

四庫全書

史部

欽定四庫全書

禮部志稿卷三十八

明 俞汝楫 編

主客司職掌

給賜

迤北韃靼及衛喇特

以下北夷

永樂宣德中賜衛喇特順寧王綵段十表裏妃五表裏頭目一等者五表裏二等至四等者四表裏

正統二年賜韃靼國王綵段十五表裏虎斑絹十疋妃
八表裏頭目一等八表裏二等六表裏三等五表裏四
等四表裏外有加賜六年賜迤北太師段絹與國王同
其妻每口五表裏一等二等類內頭目每人加賜織金
綵段一表裏天順以後一等二等者不加賜三等者俱
二表裏差來正副使每人賞織金衣一套靴襪各一
雙其後定例一等正副使每人彩段六表裏絹五疋二
等使臣綵段四表裏絹三疋三等綵段二表裏絹二疋

四等綵段一表裏絹一疋俱與紵絲衣一套紅氍帽一頂靴襪各一雙數內婦女不與紅氍帽使臣自進中等馬每匹綵段二表裏折鈔絹二疋下等馬綵段一表裏絹八疋折鈔絹一疋下下等馬綵段一表裏絹六疋折鈔絹一疋帶進在彼頭目馬匹不分等第每匹綵段二表裏給賜在彼頭目一等每人綵段八表裏二等六表裏三等三表裏四等二表裏內一等二等緊要頭目加賜織金綵段一表裏

回賜

永樂九年回賜順寧等王上等馬者各綵段十表裏海青一連四表裏白狐皮二十七箇四表裏

宣德間回賜順寧王及使臣人等進馬中等者每匹綵段二表裏折鈔絹二疋下等者紵絲一疋絹八疋折鈔絹一疋下下者絹六疋折鈔絹一疋駝每隻三表裏折鈔絹十疋中途寄留倒死新生駒馬每匹絹三疋折鈔絹半疋駝每隻絹六疋折鈔絹一疋海青一連一表裏

銀鼠皮二百箇十二表裏貂鼠皮二箇絹一疋青鼠皮
十箇絹一疋土豹一箇絹七疋半

正統元年回賜使臣銀鼠皮每六箇絹一疋玉石每一
斤絹一疋二年回賜國王及頭目使臣人等馬每匹綵
段二表裏貂鼠皮五十箇四表裏使臣者每二箇絹二
疋銀鼠皮五十箇二表裏白兔皮三箇絹一疋白狐皮
一箇絹一疋小廝一名二表裏三年貂鼠皮每十箇綵
段一表裏四年貂鼠皮每三箇絹一疋使臣人等到京

續進馬俱照下等馬例回賜五年回賜銀鼠皮與熟紅
絹六年青鼠皮每二十箇絹一疋使臣人等馬分三等
國王并太師馬不分等第八年太師鄂特凌古馬每疋綵
段六表裏使臣馬每匹四表裏絹八疋九年進西馬者
每匹綵段五表裏絹十疋薩哈勒每段絹九疋十二年
額爾克馬每匹四表裏

求討

在彼頭目一等二等并三等內有係部長親及親信用

事者俱請旨給賜弘治三年三等以下不給賜差來使
臣自元年至三年四年俱有特賜

會同館開市禮部出給告示除違禁物不許貿易其段
絹布匹聽于街市與官員軍民人等兩平貿易正統十
年許買賣五日十二年許衛喇特使臣賣馬景泰元年許
買銅湯瓶鍋紅纓鞍轡剪子等物

順義王及套長

嘉靖三十年部長貢馬賞金頂大帽綵段衣服隆慶四

年執叛人來獻賞綵段四表裏布一百疋五年部長順
義王奉表獻鞍馬賞大紅蟒白澤各紵絲衣一襲綵段
十五表裏妻大紅五綵紵絲衣二套綵段四表裏親弟
及長子都督同知各綵段八表裏濶生絹二疋五綵紵
絲衣一套木綿布四疋孫指揮使綵段五表裏織金紵
絲衣一套絹布同各枝指揮同知千戶百戶等官各綵
段三表裏織金紵絲衣一套絹一疋布同差來番使內
小頭目各綵段二表裏素紵絲衣一套布二疋散從減

素紵絲衣段布同進表人賞如各枝例國王賜勅獎諭
是年國王又遣使代套部都督同知貢馬賞大紅白澤
紵絲衣一襲綵段八表裏套酋都督同知及指揮同知
以下并差來小頭目散從各賞如例國王仍賜勅獎諭
又以套部監市効賞勞綵段四表裏五綵紵絲衣一套
次首領段二表裏織金紵絲衣一套六年國王增獻鞍
馬弓矢賞大紅蟒白澤獅子紵絲衣各一套綵段二十
三表裏妻賞如例

萬曆三年以順義能約束諸部五年無警加賞銀三十兩紵絲蟒衣一襲綵段八表裏後每年加賞一次又順義長官每枝給勅一道共七道

回賜

隆慶五年順義王進上馬三十匹每匹綵段二表裏闊生絹一足以初貢加綵段一表裏留邊馬四百七十九匹聽該鎮支馬價銀五千兩給賞套部進上馬二十匹每匹綵段三表裏闊生絹一足留邊馬一百八十匹支

各鎮兵餉銀一千八百兩給賞六年議準上馬給段絹外每匹加銀五兩留邊馬每匹銀十兩

求討

隆慶六年順義王奏請番經與金字經五部墨字經五部差番僧二人齋赴本國併為傳誦其差去番僧先行順天府各給衣食銀十兩差回給賜禪衣坐具併紵絲番僧衣一套靴襪各一雙帶去番官緣段二表裏木棉布四疋

諾延福餘泰寧三衛

差來并自來都督賞綵段四表裏絹二足都指揮綵段
三表裏絹二足指揮千百戶所鎮撫頭目每人綵段二
表裏絹一足各織金紵絲衣一套又各加綵段一表裏
舍人每人綵段二表裏絹一足織金衣一套蒙古每人
綵段一表裏絹一足素紵絲衣一套婦女有進貢者每
人一表裏絹一足紵絲女衣一套隨來婦女一表裏絹一
足絹女衣一套以上靴襪各一雙奏事進貢都指揮絹二
足綵段三表裏織金衣一套指揮每人絹一足綿布一足

綵段二表裏紵絲衣一套靴襪各一雙舍人因事進貢者每人綵段一表裏織金衣一套絹一疋靴襪各一雙嘉靖二十四年以諾延都督能鈴束部人不擾邊境準與金帶及金頂大帽

回賜

自進并帶進馬匹不分等第每疋綵段二表裏絹一疋駝每隻三表裏絹十疋在衛都督指揮每員加賜綵段一表裏

求討

請旨量與物件到京者照名給散在衛者討勅開付差
來人領去

領賞畢日許於會同館開市三日鋪行人等照例將貨入
館兩平交易順天府仍行薊州遵化等處如三衛部人回
還到彼聽命兩平交易每人許收買牛一隻犁鏵一副鍋
一口不許將違禁之物私自夾賣違者巡按御史究治

哈密

以下西域夷

永樂四年賜忠順王紵絲六十足絹二百一十四足祖

母母妃各紵絲六疋絹六疋孀母紵絲四疋絹四疋六年賜王紵絲五十疋絹二十疋織金紵絲衣三套卓鹿皮靴二雙韁轡二雙祖母母妃并妃各綵段六表裏

成化三年故忠順王外孫為都督錫銅印并織金衣一套八年其都督赴京襲職除馬駝給價外加賞綵段一表裏絹一疋織金紵絲衣一套并靴轡各一雙進貢到京使臣分五等一等綵段五表裏絹四疋二等四表裏絹三疋三等三表裏絹二疋四等二表裏絹一疋布一

足五等一表裏絹一疋俱紵絲衣一套靴襪各一雙存留
甘州男女人等有進貢者照五等例賞無者每人絹布各
一疋奏事到京使臣不分等第每人綵段二表裏絹一疋
紵絲衣一套靴襪各一雙十二年奏準寄住苦峪城使臣
賞例仍分五等比前表裏絹各減其一不與衣服靴襪存
留甘州有進貢者照前五等例無者與絹一疋

嘉靖四十三年到京正使從人名色照四等例賞

隆慶五年照五等例賞寄住甘州有進貢者俱與綵段

一表裏不與衣服靴襪

回賜

大馬每匹綵段四表裏達馬不分等第每匹二表裏駝
每隻四表裏駝羔每隻紵絲一疋絹二疋倒死駝絹六
疋折鈔絹一疋襴普每段絹六疋金剛鎖上等每顆絹
四疋成化十年金剛鎖二等每顆絹二疋三等每顆絹
一疋四等每二顆絹一疋五等每顆布一疋番砂水晶
石不與價弘治三年奏定價例玉石每斤絹一疋夾玉

石四斤絹一疋斯隆瑪石二斤絹一疋青金石一斤絹
一疋把咱石十斤絹一疋螺子石六塊絹一疋松都魯
石即水珀舊例每斤鈔十五貫正統四年添作一百貫
每二百貫折絹二疋石頭靶八箇礪砂八斤各絹一疋
魚牙靶小刀每把絹二疋鑛鐵大刀每把絹五疋拐棍
刀每把絹五疋兩刃劔每把絹八疋鑛鐵銼一把鑛鐵
鏡一面各絹二疋鑛鐵二斤絹一疋撒哈刺馬黑瞞每
段各絹九疋刀紬番云黃馬海牙兒每段絹一疋馬服屯即番夏布

每二段絹一疋虎力麻五疋絹二疋藍花手巾二條絹

一疋枲馥蘭每斤絹四疋硝子阿思馬亦一箇絹一疋

硝子遮眼

番名
矮納

三箇絹一疋蛤蚧四箇絹二疋梧桐鱗

十斤雄黃十五斤各絹一疋蛇角二枝一表裏羚羊角

四斤絹一疋豹皮

即實魯
鱖皮

二張綠段一表裏金線豹皮

一張一表裏獅子皮一張二表裏哈刺虎刺皮一張一

表裏鐵角皮二條絹一疋銀鼠皮六箇貂鼠皮三箇青

鼠皮二十箇白兔皮三箇白狐皮一張駝皮獺皮每一

箇各帽一頂
馬尺

即羊
旬皮

五張絹二尺
卜刺破兒

即牛
旬皮

四張絹一尺
哈刺卜花二十張絹一尺
樺皮弓一張絹

八尺回回木梳細者六箇
絹一尺粗者十箇
絹一尺珊

瑚珠正統中每十四兩
絹四尺今每兩絹二尺
鎖鎖葡

萄每斤絹一尺
使臣自進中等馬每匹
紵絲一尺絹八

尺折鈔絹二尺
下等馬每匹紵絲一尺
絹七尺折鈔絹

一尺
新生馬駒中途倒死馬每匹
絹二尺駝每隻三表裏

絹四尺帶進西馬每尺
五表裏阿魯骨每匹六表裏

求討

正統四年忠順王奏討與紆絲四表裏天順四年王母差
來使臣領去厚榜紙中夾紙各三百張心紅三斤金箔一
百帖胡椒萆芡各十斤桐油十斤白礬十斤丁香乳香檀
香各三斤良薑桂皮各五斤細茶三十斤洗面銅盆一箇
成化十三年苦峪城使臣奏討加絹一疋十三年又準
加折衣絹一疋十五年再加絹一疋使臣進貢到京
者每人許買食茶五十斤青花瓷器五十副銅錫湯瓶

五箇各色紗羅綾段各十五疋絹三十疋三梭綿布夏布各三十疋綿花三十斤花毯二條紙馬三百張顏料五斤果品沙糖乾薑各三十斤藥餌三十斤烏梅三十斤皂白礬十斤不許過多就館中開市五日除違禁之物并鞍轡刀箭外其餘段疋紗羅等項不係黃紫色龍鳳花樣者許官民各色鋪行人等持貨入館兩平交易該城兵馬司差人密切關防及令通事管束毋得縱容鋪戶番人在外私自交易如有將違禁等物及通事人等故違者許各該委官體察通行拏問後

又奏準未領賞前開市二日領賞後開市三日其奏討沿途收買牛羊鐵鍋犁鐮者聽于臨洮府蘭州地方與軍民兩平收買不許過多仍令伴送人員及所在官司防範不許將熟鐵兵器夾賣及因而生事擾人

哈里等三十八國及天方國日落國各賞例與哈密同

安定衛

洪武七年安定王來朝貢賜織金文綺四疋其貢賜賞例到京國師絲段四表裏絹二疋紵絲僧衣一套舍人

并使臣每人二表裏紵絲衣一套僧人每人一表裏紵
絲番僧衣一套靴襪各一雙

回賜

自進并帶進駝每隻絲段三表裏絹四疋馬每匹二表裏

襲封

洪武八年賜嗣王勅書誥命各一通織金紵絲衣一套
綵段六表裏諭祭已故王祭文一道降香一炷新鈔一
千貫禮部差通事一員送請封人至西寧衛交割本衛

差頭目一員齋封物同原來人前去本地授封別差頭目一員齋祭物另辦齋糧五十石麻布五十疋食茶二百斤量帶軍士同去行祭

罕都齊勤蒙古

永樂二年賞賜差來都指揮綵段三表裏織金紵絲衣一套靴襪各一雙千百戶鎮撫綵段二表裏舍人一表裏俱與素紵絲衣一套靴襪各一雙存留甘州男婦有進貢者綵段一表裏生絹一疋無者生絹一疋布一疋

回賜

帶進駝每隻綵段四表裏中等馬每匹二表裏下等馬
每匹紵絲一疋生絹四疋自進中等馬每匹紵絲一疋
生絹四疋

土魯番

使臣到京并存留賞賜自進并帶進駝馬等物回賜及
買賣俱照哈密例

嘉靖二年瑪瑙數珠一串與絹四疋紅絹道布一疋絹

六疋鞍子一面絹四疋撒袋一副絹二疋其鑲鐵銼多
不真正每貢不過百把每二把與絹一疋三十三年進
貢回回青三百三十一斤八兩會估每斤與銀二兩三
十八年題準五地面自進并帶進過各番王頭目馬匹
阿魯骨上等每匹綵段六表裏中等每匹綵段三表裏
下等每匹綵段一表裏番馬中等每匹紵絲一疋絹八
疋折鈔絹二疋下等每匹紵絲一疋絹七疋折鈔絹一
疋上等馬匹原無賞例比照中等馬匹賞例外每匹量

加生絹一疋四十三年進獅子每隻綵段八表裏

各地面貢使除正進方物給賞外其隨身帶有刀鎗等物邊官不能阻回要行復進者嘉靖十六年題準禮部驗揀堪用者量與進收裁減賞例小刀一把止與絹一疋每鎗十把內五把賞絹二疋五把折鈔八十貫各色漿水玉每一斤八兩與絹一疋其或所進方物原無賞例者本部行取宛大二縣舖行驗估價值斟酌給賞各地面使臣求討織金段子等物正德十六年題準該邊

鎮巡等官轉奏題請于每名下量點一二給與若使人到京自行奏討不繇鎮巡官轉奏者不行

賽瑪爾堪

洪武間進貢各賞銀并紵絲表裏衣服等物正統以前賞例優厚成化間定王紵絲十五疋羅三疋紗三十疋熟絹十五疋白氎絲十疋白將樂布十疋洗白布五十疋紵絲帽一頂硃紅漆戣金椀八箇王妻紵絲八疋羅二疋紗二疋熟絹八疋白氎絲五疋白將樂布五疋洗

白布一十疋到京使臣并存留甘州男婦俱分別等第
照哈密賞例

回賜

正統四年金線豹一隻綵段八表裏西馬每匹五表裏
折鈔絹十疋獅子皮一張二表裏金線豹皮每張一表
裏

成化十九年進獅子二隻每隻比金線豹例加綵段五
表裏

弘治三年獅子一隻綵段八表裏正副使并送養人止
正賞無加賞王止與回賜無特賜

正德三年貢水晶碗一箇估值銀八兩令給絹與之每
絹一疋作銀一兩四錢

嘉靖二年議定上等玉石每斤絹三疋中等每斤絹二
疋下等每斤絹一疋

魯爾

嘉靖五年賞例與賽瑪爾堪同

西番烏斯藏

洪武永樂以來給賜不等復定喇嘛番僧人等從四川起送來者到京每人綵段一表裏紵絲衣一套俱本色留邊賞同其綵段一表裏折濶生絹四疋紵絲衣一套內二件給本色衣一件折生絹三疋俱賞鈔五十錠折靴襪鈔五十錠食茶六十斤從洮河州起送來者到京每人折衣綵段一表裏後加一表裏紵絲并綾貼裏衣二件留邊賞同其綵段一表裏折生絹四疋俱食茶五

十斤靴襪鈔五十錠進過給軍中等馬每匹紵絲一疋
鈔三百錠氍毹等物例不給價帶進方物回賜綵段四
表裏

凡各番違例多差人數每人減絹二疋或一疋或三疋
或減綾貼裏衣正德以後二法王違例進貢多至千人
並從減賞到京者綵段一表裏留邊者絹三疋

嘉靖六年題準烏斯藏長河西朶甘斯董卜韓胡金川
雜谷達思蠻加渴瓦寺松潘洮岷等處番人番僧正賞

折衣綵段俱與一疋折給有進馬者計馬數與折

賜封

禮部行吏部請給誥命內府各衙門關造錦二段紵絲
十表裏袈裟僧衣一套高頂僧帽一頂水晶數珠一串
響鈸二副鈴杵二副白瓷茶鍾二箇滿哈喇一箇連帶
鸞帶一條靴襪各一雙食茶一百斤檀香一炷請勅令
大慈恩寺推喇嘛二人為正副使帶領喇嘛十名同原
來請封喇嘛齋奉前去番地授封差通事一員伴送至

四川布政司交割從黎州或天全出境差去正副使每人賞鈔八十錠喇嘛六十錠俱與番僧衣一套靴襪各一雙贊善王授封從陝西洮州出境闡化等三王從四川出境成化五年授封闡化輔教二王差去正使人等自帶買路物件食茶二萬五千斤紵絲三百疋羅一百疋絹一千疋青紅布三千五百疋金箔一萬貼胡椒一百斤十六年賞授封闡化王回還喇嘛覺義等三十員名正使禪師覺義每人鈔八十錠綵段三表裏絹二疋

副使都綱鈔六十錠二表裏差去喇嘛每名鈔四十錠
一表裏俱與紵絲番僧衣一套靴襪各一雙帶去徒衆
每人鈔二十錠一表裏進過氍毹等物不給價

長河西

正統初賞賜宣慰司自來進貢者宣慰使鈔一百五十
錠綵段四表裏指揮僉事鈔一百錠綵段二表裏俱紵
絲衣一套靴襪各一雙襲職進貢賞同國師并國師姪
男進貢到京者照宣慰使例都綱喇嘛番僧人等進貢

到京者每人鈔五十錠綵段一表裏紵絲番僧衣一套
靴襪各一雙食茶六十斤留邊賞同五年喇嘛番僧進
馬到京每人鈔五十錠綵段一表裏折衣綵段二表裏
靴襪各一雙進過馬不分等第每匹鈔一百錠十年長
河西招撫生番照本處進貢番僧例每人賞鈔五十錠
綵段一表裏折衣綵段二表裏靴襪各一雙仍加賞折
衣綵段一表裏景泰四年每人鈔五十錠綵段一表裏
不與衣服靴襪

天順元年照舊給賞三年尊勝寺國師護印帶進舍利等物照先年烏斯藏地方都指揮使等事例量給綵段二表裏

成化初番僧人等到京每人濶生絹二疋鈔五十錠折靴襪鈔五十錠折衣綵段二表裏留邊賞同其折衣綵段內一表裏折濶生絹四疋氍毹等物例不給價帶進國師方物給賜綵段二表裏十二年番人番僧九百名來貢以無勘合到京并留邊者每人俱減絹二疋

弘治二年留邊者減三疋

貢回市茶

弘治十四年題準刺思岡尊勝等寺寨到京番僧每人
許買食茶二百斤嘉靖二十二年題準如董卜韓胡例
朶甘斯

天順七年宣慰使進貢到京賞鈔一百五十錠綵段四
表裏紵絲衣一套靴襪各一雙其貢使賞例禪師番僧
人等到京每人賞鈔五十錠綵段一表裏紵絲衣一套

留邊每人鈔五十錠折表裏濶生絹四疋紵絲衣一套
內二件給本色衣一件折濶生絹三疋俱與折靴韉鈔
五十錠食茶六十斤氈氊等物例不給價指揮僉事例
加絹四疋國師比禪師加絹二疋新招撫來貢者到京
每人鈔五十錠絹二疋折衣綵段二表裏留邊每人鈔
五十錠絹二疋折衣綵段一表裏濶生絹四疋各折靴
韉鈔五十錠方物俱不給價

弘治十七年以人數過多惟進貢及已賞未襲職再來

到京者全賞其留邊者每人各減絹二疋

董卜韓胡

差來國師禪師都綱道官喇嘛番僧頭目寨官人等到
京每人綵段一表裏留邊每人折表裏濶生絹四疋俱
與折鈔絹二疋靴襪鈔五十錠番僧每人紵絲綾貼裏
僧衣一套頭目人等每人紵絲綾貼裏俗衣一套氍毹
等物例不給價

回賜

土官綵段十表裏妻綵段四表裏嘉靖二年以差來人數過多惟正額到京者全賞其留邊應給折鈔絹二疋令與絹一疋鈔十錠三年減原給折表裏絹三疋

回貢市茶

嘉靖八年題準到京并留邊番僧每人許自買食茶一百斤行移右府出給勘合填寫人數茶斤仍行湖廣布政司著落該府許令照數收買自雇船隻載回沿途關隘驗放出境如有夾帶就彼盤驗入官

加渴瓦等寺

喇嘛番僧頭目寨守到京每人綵段一表裏折衣二表裏留邊賞同折衣每一表裏與絹四疋俱賞鈔六十錠折靴襪鈔五十錠氍毹等物不給價

金川寺

進貢喇嘛番僧到京每人賞綵段一表裏折衣綵段二表裏留邊每人綵段一表裏其折衣綵段二表裏內一表裏折生絹四疋一表裏折食茶一百斤俱與鈔六十

錠折靴襪鈔五十錠氍毹等物不給價

弘治十七年以人數過多惟年例進貢及襲職到京者全賞其留邊應給折衣絹每人減三疋

雜谷安撫司

與金川寺例同

弘治十七年留邊每人減折衣絹二疋嘉靖六年照舊給賞每人量加食茶二十五斤其所屬上草坡克州等寺寨嘉靖六年題準留邊番僧每人減絹三疋加食茶二十五斤

打刺兒寨

番僧到京每人綵段一表裏內一疋給價銀三兩折衣
綵段二表裏與本色留邊每人綵段一表裏內一疋如
前給價折衣綵段二表裏每一表裏折給濶生絹四疋
共八疋俱賞鈔六十錠折靴襪鈔五十錠方物例不給
價

達思蠻長官司

正統中進貢到京并留邊番僧人等每人鈔四十錠綵

段一表裏折衣二表裏靴襪各一雙

弘治二年照前賞例各減折衣一表裏留邊折衣與生絹四疋靴襪俱折鈔十錠

長寧及韓胡碯繇松潘起送番僧賞例與達思蠻同其松潘茂州等處進貢到京馬每匹賞鈔一百錠鐵甲氍毹等物不給價

陝西洮岷等處

番僧到京并存留每人賞折衣綵絲一表裏折靴襪鈔

五十錠馬每匹紵絲一疋鈔三百錠上等馬加絹一疋
駝每隻綵段三表裏絹四疋內瞿曇寺到京禪師加番
僧衣一套不繇所在官司給文起送私自來京謝恩等
項進貢者止給馬駝價不賞

嘉靖十七年慧濟扯巴寺番僧進貢到京八名每名綵
段一表裏折衣綵段一表裏留邊七名每名折衣綵段
一表裏折與濶生絹四疋俱各與綾貼裏衣二件靴韞
鈔五十錠食茶五十斤進過馬每匹紵絲一疋鈔三百

錠方物例不給賞二十七年到京并留邊加至一百八十七名以人數過多議將到京十五名照例給賞留邊六十七名照洮州番僧例每人賞折衣綵段一表裏折靴襪鈔五十錠食茶五十斤其新增一百五名每名給與濶生絹二疋食茶四十斤進過馬匹照前給賞經該起送官員以違例叅治

洮岷等處番族

到京并存留番人每人賞綵段二表裏絹二疋鈔二十

錠折靴襪鈔五十錠進馬每匹紵絲一疋鈔三百錠盛
甲腰刀例不給賞嘉靖六年奏準折衣綵段并馬價綵
段每疋折銀三兩以上俱許開市三日

土官

雲南徼外土官進到象馬金銀器皿寶石等件例不
給價其賜例各不同

車里

給賜宣慰使錦二段紵絲紗羅各四疋妻紵絲羅各三

疋差來頭目每人紵絲紗羅各四疋折鈔絹二疋布一疋通事每人綵段一表裏折鈔絹一疋俱與羅衣一套象奴從人每人折鈔綿布一疋絹衣一套俱與靴襪各一雙

木邦

給賜宣慰使錦二段紵絲紗羅各三疋妻紵絲羅各二疋差來陶孟每人紵絲羅各三疋折鈔絹二疋布一疋招剛每人紵絲紗羅各二疋折鈔絹二疋通事每人綵

段一表裏折鈔絹一疋俱與羅衣一套象奴從人每人
折鈔綿布一疋絹衣一套俱與靴襪各一雙

緬甸

給賜宣慰使錦二段紵絲紗羅各三疋妻紵絲羅各三
疋差來頭目每人紵絲羅各三疋紗二疋鈔六十錠招
剛每人紵絲羅各二疋紗一疋鈔四十錠俱與羅衣一
套通事鈔三十錠象奴從人每人鈔十五錠俱與絹衣
一套靴襪各一雙

老嫗

并八百賜例俱與車里同但通事羅衣改紵絲衣

孟養

給賜孟養思六及妻與車思同差來陶孟每人紵絲羅
各四疋紗二疋折鈔絹二疋綿布二疋招剛每人紵絲
羅三疋紗二疋折鈔絹一疋綿布一疋招八每人紵絲
羅各一疋折鈔絹一疋通事每人紵絲一表裏折鈔絹
一疋各與紵絲衣一套象奴每人折鈔綿布一疋絹衣

一套俱與靴襪各一雙進過馬每匹絹五疋

孟密

給賜女土官及其子安撫俱紵絲紗羅各三疋安撫妻
紵絲羅各二疋差來頭目陶孟招剛通事象奴從人賞
例與木邦同

孟璉

給賜土官紵絲三疋羅二疋絹四疋妻紵絲羅各二疋
差來頭目舍人每人綵段二表裏羅衣一套通事鈔二

十錠絹衣一套從人每人鈔十五錠絹衣一套俱與靴襪各一雙

孟良

給賜土官舍人紵絲紗羅各二疋差來頭目紵絲羅各二疋紗一疋折鈔絹一疋通事每人折鈔絹一疋俱與羅衣一套從人每人折鈔綿布一疋絹衣一套俱與靴襪各一雙

鄧川州

賜例與孟璉同象奴賞與從人同

湖廣廣西四川雲南貴州腹裏土官朝覲進到方物及
中途倒死馬匹例不給價到京馬匹每匹賜鈔一百錠
其賜各不同凡三品四品回賜鈔一百錠綵段三表裏
惟播州貴州二宣慰使賜錦二段綵段六表裏五品鈔
八十錠綵段三表裏六品七品鈔六十錠綵段二表裏
八品九品鈔五十錠綵段一表裏雜職衙門并頭目人
等自進馬匹方物鈔四十錠綵段一表裏弘治十四年

瓊州崖州起至土官每人賞鈔三十錠絹二疋絹衣一套

差來通事把事頭目各鈔二十錠綵段一表裏隨來土官弟男并把事頭目人等鈔二十錠從人伴吏鈔十錠播州差來長官鈔四十錠一表裏通把頭目人等各鈔三十錠貴州差來舍人鈔二百五十錠二表裏把事十五錠一表裏通事十錠絹一疋頭目從人賞鈔如例凡進馬一二匹及方物輕者止照雜職例賞嘉靖元年

奏準朝覲到京以馬數多寡為差進馬一二匹者準一人作差來名色賞鈔二十錠綵段一表裏三四匹者作二人五六匹者作三人綵段鈔錠照數遞加二年題準若所差係土官弟侄兒男進馬四匹以上與方物重者照舊例以衙門品級高下為差其馬少物輕者照雜職例若所差係通把頭目人等照新例以馬數方物多寡為差

凡到京過期減半給賞弘治三年以後五月內到者亦

全賞二月到者減半該賞半表裏者折與濶生絹二尺
隆慶五年題準過期半年以上不給賞

凡謝恩差來人與雜職賞同貴州土官減鈔二十錠隨
來通把從人給鈔如朝覲例

凡慶賀貴州差來舍人賞鈔五十錠綵段二表裏把事
鈔十五錠綵段一表裏通事從人鈔如朝覲例四川土
官差來人進馬者鈔二十錠綵段一表裏降香茶蠟等
物者鈔二十錠絹二疋隨來人鈔十錠

給賜番夷通例

凡給賞段絹等物萬厯六年題準各織造去處撫按官
痛革尅減冒破奸弊有仍前粗惡不堪之物解進該部
科將撫按等官一體查叅其給賜衣服靴襪等件該衙
門成造務要精好如有不堪聽禮部具實叅奏重治其
留邊給賞齎去人員有將賞物抵換勒捐者督撫官查
叅重治至于各夷所得賜物不許于開市之日貨賣或
願折價禮部題照原價折給

凡齎發貢使賞賜萬曆七年題準各貢使慶賀事完即行頒給賞賜齎發回還毋令稽留久住致惹事端又議準每使人到館該管官先將來人數目一體報知戶工衙門該司一面知會同府衙門俱各預為整理賜物候禮部咨文到日即照數檢點及回咨掛號各須上緊定限半月以裡通行關領禮部一面題給一面知會兵部查發勘合速令起程其該邊奏報并禮部題行各衙門關領日期即于散賞奏內題知以便稽考

凡賜物折價嘉靖六年議准諸番使臣及番僧番人給賜綵段自願折銀者織金每疋折給銀三兩八錢素者三兩五錢

隆慶三年議準西番貢使全賞者禮部照例分別題請頒給減賞者每名給銀三兩絹二疋每疋折銀三錢于本布政司庫貯銀內支給

萬曆六年題準各番來京應賞人數凡折衣折段銀兩行工部俱給以見貯銀兩不必轉行該省其支茶勘合

及在邊半賞人數銀兩禮部先咨巡撫衙門轉行布政
司仍另給番人為照待到日將番人領去勘合與禮部
先發咨文對同方准支給其存留在邊全賞人數銀兩
禮部驗對明白亦咨巡撫衙門與番人所執公文查對
相同給發仍將各項銀段及食茶數目行都督府填入
過關勘合以便互較差去通事官令守取巡撫守咨脩
開散過齋去存留銀段若干支過食茶及半賞銀兩若
干以免詎騙沈匿等弊如咨內數目不合及無回咨將

通事從重叅問

凡貢使病故在中途者例不給賞萬厯六年題準各鎮清查病故番人賞物留充下年給賞之數

凡投降番人每名賞素紵絲衣一套綿布十疋鈔一百錠米三石牛二隻羊五隻柴五百斤隨來婦人每口綿布三疋鈔十錠

凡入官貨物洪武二十六年定凡遠番之人或有長行頭匹及諸般物貨不係貢獻之數附帶到京願入官者

照依官例具奏關給鈔錠酬其價值

弘治間定凡番國進貢內國王王妃及使臣人等附至貨物以十分為率五分抽分入官五分給還價值必以錢鈔相兼國王王妃錢六分鈔四分使臣人等錢四分鈔六分又以物折還如鈔一百貫銅錢五串九十五貫折物以次加增皆如其數如奉旨特免抽分者不為例凡番國進貢船內搜出私貨照例入官俱不給價其奉旨給與者不為例

凡番貨價值弘治間定回回併番使人等進貢寶石等
項內府估驗定價例赤金每兩值鈔五十貫足色銀每
兩十五貫錫每斤五百文琉球八貫鐵每斤三百文腰
刀每把三貫番弓每張二貫番箭每枝一百文鶴頂每
箇一貫玳瑁盒每箇一貫玳瑁盃每箇一貫珊瑚枝每
斤三十貫珊瑚珠每兩二貫大玻璃瓶椀每箇三貫小
玻璃瓶椀每箇二貫玻璃燈甌每箇二貫粟米珠每兩
五貫象牙每斤五百文暹羅十貫翠毛五斤三百文古

刺水內大合一貫小合五百文回回石青每斤一貫烏
參泥每斤五百文油血石每兩二貫番砂每斤二百文
膽礬每斤二貫妥剔牙每斤一貫黃蠟每斤五百文雄
黃每斤五百文阿魏每斤二貫華荻每斤二貫沒藥每
斤五貫滿刺加十貫肉苳蔻每斤五百文暹羅白苳蔻
十貫荳蔻花每斤五百文華澄茄每斤一貫悶蟲藥每
斤二百文大楓子每斤一百文暹羅十貫木鱉子每斤
三百文血竭每斤一十五貫龍涎每兩三貫蘇合油每

斤三貫乳香每斤五貫暹羅四十貫沈香每斤二貫速
香每斤二貫丁香每斤一貫木香每斤三貫金銀香每
斤五百文降真香每斤五百文暹羅十貫安息香每斤
五百文梔子花每斤一貫丁皮每斤五百文暹羅二貫
蘇木每斤五百文琉球十貫暹羅五貫烏木每斤五百
文暹羅滿刺加俱四十貫紫檀木每斤五百文胡椒每
斤三貫琉球三十貫暹羅二十五貫滿刺加二十貫鹽
每斤一百文藤竭裏襄每斤一貫夕牙吸荅納每斤五

百文八的阿納每斤四百文三額阿刺必每斤五百文
別模刺每斤五百文厥枯露每斤二百文加定每斤五
百文哈都味思每斤五百文阿思模達塗兒氣每斤五
百文蘇麻達每斤二百文花氊單每條十貫大花手巾
每條二貫小花手巾每條一貫絲手巾每條二貫紅紋
節知被每條五貫苾布每疋一十五貫撒哈刺每疋一
百貫兜羅布每段一十貫油紅布每段一貫五百文青
布每段一貫五百文花布每段一貫暗花打布每段一

貫沙連布每段一貫青查禮布每段一貫加籠宜布每
段一貫烏連布每段一貫勿那朱布每段一貫各樣麤
布每段一貫日本國附進刀劍每把鈔三貫內一分與
錢九分支絹每鈔一百貫該絹一疋其各檀香每十斤
銀一兩折錢七百文暹羅滿刺加檀香俱每斤鈔十貫
暹羅藤黃每斤鈔十五貫紫莖每斤鈔三十貫琉球暹
羅滿刺加每鈔二百貫折絹一疋

凡折還貨價弘治間定各色紵絲每疋折鈔五百貫各

色綾子每疋三百貫各色紗每疋三百貫各色絹每疋
一百貫青絨毯子每疋六百貫駝褐毯子每疋六百貫
青花白瓷盤每箇五十貫椀每箇三百貫瓶每箇五百
貫酒海每箇一千五百貫豆青瓷盤每箇一百五十貫
椀每箇一百貫瓶每箇一百五十貫麝香每斤一千五
百貫樟腦每斤一百貫良薑每斤二十五貫大紅每斤
三十貫鍋三尺濶面每口一百五十貫

歲進

舊例歲進茶芽及木瓜藥材俱從土產去處起解轉送該衙門供用各有定數其後又有川扇及諸時鮮等物

茶芽

各處歲進茶芽弘治十三年奏準俱限穀雨後十日差解赴部送光祿寺交收違限一月以上送問雖有公文不與準理計茶芽四千斤內一百二十斤南京納直隸五百斤常州府宜興縣一百斤內二十斤南京禮部

納限四十六日廬州府六安州三百斤限二十五日廣
德州七十五斤建平縣二十五斤限四十六日 浙江
五百斤湖州府長興縣三十斤南京納紹興府嵊縣八
斤會稽縣三十二斤限五十五日溫州府永嘉縣一十
斤樂清縣一十斤限七十七日杭州府臨安縣二十斤
富陽縣二十斤限五十二日寧波府慈谿縣二百六十
斤限六十一日處州府麗水縣一十五斤縉雲縣六斤
青田縣六斤遂昌縣六斤限七十日金華府金華縣共

二十二斤限六十四日衢州府龍游等縣共二十斤限
六十七日台州府臨海等縣共十五斤限七十一日嚴
州府建德縣五斤淳安縣四斤遂安縣三斤壽昌縣三
斤桐廬縣二斤分水縣一斤限五十八日江西四百
五十斤南昌府七十五斤限六十日南康府二十五斤
限五十一日贛州府一十一斤限八十三日袁州府一
十八斤限七十九日臨江府四十七斤限六十五日九
江府一百二十斤限五十七日瑞州府三十斤限六十

四日建昌府二十三斤限七十五日撫州府二十四斤
限七十三日吉安府一十八斤限七十一日廣信府二
十二斤限七十五日饒州府二十七斤限六十一日南
安府一十斤限九十日 湖廣二百斤

內十八斤
南京納

武昌

府興國州六十斤限五十四日岳州府臨湘縣十六斤
限七十一日寶慶府武岡州二十四斤邵陽縣二十斤
新化縣十八斤限五十九日長沙府安化縣二十二斤
寧鄉縣二十斤益陽縣二十斤限八十一日 福建二

千三百五十斤

內五十二斤南京納

建寧府建安縣一千三百六

十斤內探春二十七斤先春六百四十三斤次春二百

六十二斤紫笋二百二十七斤薦新二百一斤崇安縣

九百九十斤內探春三十二斤先春三百八十斤次春

一百五十斤薦新四百二十八斤限七十八日

木瓜

直隸寧國府宣城縣歲進木瓜二千三百箇內上瓜一

千八百箇中瓜五百箇

藥材

廣西思明府歲進解毒藥五方三十四味共三十八斤
內錦地羅一味重二斤消食藥十味重十二斤消毒藥
十八味重十九斤大衝藥一味重一斤塞住藥四味重
四斤 四川成都府歲進藥材七味內天雄二十對附
子五十對川烏三十對漏藍二十斤僊茅二十一斤補
骨脂十五斤巴豆四斤

黃魚

浙江嘉興府歲進黃魚三百尾俱行乍浦河泊所小滿
時節採捕沿途換水接棹到京通政使司投本尚膳監
交收禮部批迴

魚鮓

湖廣布政司歲進鱣魚鯉魚鮓各四桶糟鮓魚鰯
魚各四桶醬子鮓一十二桶乾鯉魚五十斤鱣魚魚筋
并面肉四十把鱣魚鮓魚肚四十箇并代鎮守衙門原進
鱣魚鯉魚鮓各十桶醬子鮓二十桶俱行武漢黃岳常

沔六府州造辦咨呈禮部轉送光祿寺交收禮部批迴

川扇

四川布政司造撫臣奏進歲例扇一萬一千五百四十把嘉靖三十年加造備用扇二千一百把四十三年又加造小式細巧扇八百把共一萬四千四百四十把初起鎮守中官後以為常又蜀王府別有奏進

禮部志稿卷三十八

欽定四庫全書

史部

禮部志稿卷

三十九至
四十一

詳校官監察御史臣龔鵬文

編修臣程嘉謨覆勘

總校官知縣臣楊懋珩

校對官中書臣孫溶

謄錄監生臣陶鏞

欽定四庫全書

禮部志稿卷三十九

明
俞汝楫 編

精膳司職掌

膳羞筵宴下程

舊制凡大筵宴膳司提調光祿寺官供辦其待諸番
茶飯及下程膳司自行辦送後革主事廳一應皆屬
光祿寺禮部止行文照會以其事皆禮部掌行故列

於此

洪武二十六年定凡遇正旦聖節冬至或吉慶筵宴所用諸品膳羞酒醴並須提調光祿寺供辦若管待諸番國朝貢等使客并外國來降土官人等茶飯物料禮部自行備辦其宴之日赴會同館管待令教坊司供應若奉旨管待之人俱於本部筵宴正官主席

一土官使客至會同館除柴米鋪陳本館應付外本部照依正從名數每五日一次支送下程

一管待物料先期一日本部劄委膳部照依時價收買
仍令物戶親齎赴部對物給價其合用羊隻主事廳具
手本赴光祿寺關領原編羊隻字號勘合於司牧局照
號關取造辦管待畢日仍回呈本部開具買過物件同
支過價鈔數目主事廳回呈關過羊隻字號毛色觔重
本部判送立案通數開銷

一買辦管待物料鈔貫若支銷盡絕本部照例具奏依
數關領鈔錠回部收貯在庫聽候買辦如支銷已盡依

上闕用

筵宴

凡欽賜酒飯附

郊祀慶成

永樂二年上桌按酒五般果子五般茶食五般燒燂五般湯三品雙下饅頭馬肉飯酒五鍾 中桌按酒四般果子四般湯三品雙下饅頭馬猪羊肉飯酒五鍾 隨駕將軍按酒一般粉湯雙下饅頭猪肉飯酒一鍾 金鎗甲士象奴校尉雙下饅頭 教坊司樂人按酒一般

粉湯雙下饅頭酒一鍾

天順元年上卓寶粧茶食嚮糖纏椀八個棒子骨二塊
大銀錠油酥八個花頭二個鳳鴨一隻菜四色按酒五
般湯三般小銀錠笑靨三標鴛鴦飯二塊大饅頭一分
果子五般黑白餅一標鮓一標每人酒五鍾 上中桌
寶粧茶食嚮糖纏椀八個棒子骨二塊大銀錠油酥八
個花頭二個甘露餅四個菜四色按酒五般小銀錠笑
靨二標湯三品鴛鴦飯二塊大饅頭二分果子五般每

人酒五鍾 中桌寶粧米食雲子麻葉二棵甘露餅四
個大銀錠油酥八個燂魚二塊小銀錠笑靨二棵果子
按酒各五般菜四色花頭一個湯三品鴛鴦飯二塊大
饅頭四分每人酒五鍾 下桌寶粧茶食大銀錠油酥
八個燂魚二塊果子四般按酒四般菜四色湯三品馬
肉飯二塊大饅頭二分每人酒五鍾

隆慶四年題准筵宴規則殿內將軍每名豬肉二觔白
麪一觔酒三鍾 樂舞生每名豬肉一觔羊肉一觔白

麪一觔酒三鍾 教坊司樂工每名猪肉四兩白米八
合酒三鍾 其殿外將軍金鎗甲士旗校等行禮科查
給鈔錠

聖節

永樂十三年上卓按酒五般果子五般茶食燒燂鳳鷄
雙棒子骨大銀錠大油餅湯三品雙下饅頭馬肉飯酒
五鍾 上中卓按酒四般果子四般燒燂銀錠油餅雙
棒子骨湯三品雙下饅頭馬肉飯酒三鍾 中卓按酒

四般果子四般燒燂茶食湯三品雙下饅頭羊肉飯酒
三鍾 僧官等用素桌按酒五般果子茶食燒燂湯三
品雙下饅頭蜂糖糕飯 將軍按酒一般壽麪雙下饅
頭馬肉飯酒一鍾 金鎗甲士象奴校尉雙下饅頭酒
一鍾 教坊司樂人按酒一般粉湯雙下饅頭酒一鍾
給儀內官內使上桌按酒五般果子湯三品小饅頭
酒三鍾 中桌按酒四般果子湯三品小饅頭

正旦節

永樂間上桌按茶食像生小花果子五般燒燂五般鳳
鷄雙棒子骨大銀錠大油餅按酒五般菜四色湯三品
簇二大饅頭馬牛羊胙肉飯酒五鍾 上中桌茶食像
生小花果子五般按酒五般菜四色湯三品簇二大饅
頭馬牛羊胙肉飯酒五鍾 中桌果子五般按酒四般
菜四色湯二品簇二大饅頭馬豬牛羊胙肉飯酒三鍾
隨駕將軍按酒細粉湯椒醋肉并頭蹄簇二饅頭猪
肉飯酒一鍾 金鎗甲士象奴校尉雙下饅頭 教坊

司樂人按酒燠牛肉雙下饅頭細粉湯酒一鍾

冬至節

永樂間上卓按酒五般果子五般茶食湯三品雙下饅頭馬羊肉飯酒五鍾 中卓按酒五般果子四般茶食湯三品雙下饅頭酒五鍾 將軍按酒一般雙下饅頭粉湯酒一鍾 金鎗甲士象奴校尉雙下饅頭 教坊司樂人按酒一般雙下饅頭粉湯酒一鍾

皇太后聖旦節 皇后令旦節

正統間上桌按酒四般菜四色點心一樸壽麪一椀酒
三鍾 中合桌同壽麪二椀酒六鍾

東宮千秋節

宣德間上桌按酒四般菜四色點心一樸壽麪一椀酒
三鍾 中合桌按酒五般菜四色壽麪二椀酒六鍾

立春節

永樂間上桌按酒四般春餅二樸菜四色湯二椀酒三
鍾 中合桌按酒四般春餅二樸菜四色湯三椀酒六

鐘

元宵節

永樂間上桌按酒四般果子茶食小饅頭菜四色粉湯
圓子一椀酒三鐘 中合桌按酒四般果子茶食小饅
頭菜四色粉湯圓子二椀酒六鐘

四月八節

嘉靖十四年改用四月五日

永樂間上桌按酒二般不落莢一標涼糕一標小點心
一標菜四色湯一椀酒三鐘 中合桌按酒二般不落

英一標涼糕一標小點心一標菜四色湯二碗酒六鍾

嘉靖十四年改
不落英為粥餅

端午節

永樂間上卓按酒五般果子小饅頭湯三品糕一標粽子一標菜四色酒五鍾 中卓按酒四般果子小饅頭湯三品糕一標粽子一標菜四色酒五鍾 教坊司樂人按酒一般湯飯酒一鍾

重陽節

永樂間上桌按酒二般糕二樛小點心一樛菜四色湯
一椀酒三鍾 中合桌按酒二般小點心一樛糕二樛
菜四色湯二椀酒六鍾

臘八節

永樂間上桌按酒四般菜四色臘麪一椀酒三鍾 中
合桌按酒四般菜四色臘麪二椀酒六鍾

祭太廟享胙

永樂元年上桌按酒五般果子五般小饅頭粉湯酒三

鐘 中桌按酒四般果子四般小饅頭粉湯酒四鍾

祭社稷享胙

永樂二年上桌按酒五般果子五般茶食五般湯三品
雙下饅頭馬豬羊肉飯酒五鍾 中桌按酒四般果子
四般湯三品雙下饅頭豬肉飯酒五鍾

祭先農享胙

永樂元年上桌按酒四般簇四小饅頭粉湯酒六鍾

大祀圜丘文武百官湯飯

嘉靖間定上桌按酒四般點心一標湯飯一分小菜四色
中合桌按酒四般點心一標湯飯二分小菜四色
孟春祈穀夏至方澤春分朝日秋分夕月祭畢內

外官酒飯

嘉靖間定上桌按酒四般小饅頭一標湯飯一分酒五
鍾
中合桌按酒饅頭同湯飯二分酒十鍾

遇遣官代祭免辦

耕藉三公九卿執事等官酒飯

嘉靖間定上桌按酒四般小饅頭一標湯飯一分酒三

鍾 中合桌按酒四般小饅頭一標湯飯二分酒六鍾
樂舞生下合桌與中合桌同但減猪肉二觔 耆老
及樂人各領酸麻湯一碗饅頭一標肉一觔

蠶壇酒飯

嘉靖間定夫人秀才每桌按酒五般點心二標添換燒
割全湯三品菜四色飯一分酒三鍾 內女樂并外蠶
母合卓每卓按酒四般點心一標添換燒割全菜四色
每人湯三品飯一分酒三鍾 命婦中桌每桌按酒四

般點心一標湯三品菜四色飯一分酒三鍾 九年奏
准壇內係禁密處所光祿寺厨役難以造辦令尚膳監
管理祇待

駕幸太學筵宴

弘治元年上桌按酒五般果子五般大銀錠大油酥寶
粧鳳鳴小點心棒子骨湯三品菜四色大饅頭羊背皮
酒五鍾 中桌按酒五般果子五般茶食五般燒魚小
點心湯三品菜四色大饅頭羊脚子飯酒五鍾 成化

間免改禮部待宴嘉靖於禮部止宴三氏子孫及祭酒等官

進士恩榮宴

永樂十三年上桌按酒燒燂四般寶粧茶食果子五般軟按酒五般菜四色湯三品雙下大饅頭羊肉飯酒五鍾上中桌按酒燒燂四般寶粧茶食果子四般軟按酒四般菜四色湯三品雙下饅頭羊肉飯酒五鍾

天順元年每桌燂魚大銀錠堆花雙棒子骨寶粧雲子

麻葉甘露餅大油餅鳳雞燻猪肉燻羊肉小銀錠笑靨
兒椒醋猪肉椒末牛馬椒醋雞并魚湯三品果子五般
小饅頭雙下大饅頭牛羊肉飯酒五鍾

洪治三年上卓按酒五般果子五般寶粧茶食五般鳳
鴨一隻小饅頭一標小銀錠笑靨二標棒子骨二塊羊
背皮一個花頭二個湯五品菜四色大饅頭一分添換
羊肉一標酒七鍾上中卓按酒果子寶粧茶食各五
般鳳鴨一隻小饅頭一標小銀錠笑靨二標燂魚二標

羊脚子飯二塊花頭二個湯五品菜四色大饅頭二分
添換羊肉一樛酒七鍾 中桌按酒果子茶食各五般
甘露餅一樛小饅頭一樛小銀錠笑靨二樛燂魚二樛
牛肉飯二塊花頭二個湯三品菜四色大饅頭二分添
換羊肉一樛酒七鍾

纂修宴 武舉宴

二宴與恩榮宴同但無中桌

經筵酒飯

每桌細茶食四櫟餛子一櫟果子五櫟按酒五般點心
一櫟攢菜一櫟湯三品菜四色飯一分酒六鍾

日講酒飯

每桌按酒五般湯三品菜四色飯一分酒五鍾隨桌酒
一瓶

殿試酒飯

每桌茶食五櫟果子五櫟按酒五般點心一櫟湯二品
飯一分菜四色酒五鍾進士每名饅頭二個湯一碗

禮部晚宴并早粥用鹿一隻猪二口羊三隻鷺十三隻
燒猪肉八十觔粳米三斗火燻三腿雞蛋一百個豆腐
五十連煮粥猪肉五觔油醋各二瓶醬六觔鹽十觔細
粉五十觔花椒十兩七錢胡椒五兩香蕈蘑菇各五兩
香油六觔酒九十瓶

文華殿讀卷官宴

每桌茶食五標果子五標按酒五般點心二標湯三品
添換猪羊肉各五觔雞肉二觔半燒割猪羊肉各二觔

鵝一觔菜四色酒二瓶

吏部兵部選官酒飯

每桌按酒五般小點心一標蒸饅一標飯一分湯三品

兵部只二品酒三鍾 吏部加午飯一頓

朝貢見辭酒飯

上桌茶食五般按酒五般果子五般湯飯一分酒三鍾

中桌茶食按酒果子各四般湯飯一分酒三鍾

管待番夷土官筵宴

凡諸番國及四夷使臣土官人等進貢例有欽賜筵宴一次二次禮部預開筵宴日期奏請大臣一員待筵及行光祿寺備辦於會同館管待教坊司用樂鴻臚寺令通事及鳴贊供事儀制司領宴花人一枝若使臣數多分二日宴如遇禁屠齋戒移後三四日舉行回還之日送官伴送沿途備辦飯食經過去處茶飯管待各有次數許鎮守總兵或三司或府衛正官二三員陪席朝鮮國筵宴二次宣德三年使臣回還薊州永平府茶飯

管待 占城國琉球國爪哇國暹羅國各筵宴二次使
臣回還至廣東布政司茶飯管待一次 哈密筵宴二
次使臣回還至良鄉湯飯陝西布政司茶飯管待一次
衛喇特筵宴二次正統間使臣進貢至大同茶飯管待
一次回還良鄉湯飯至真定府陝西布政司甘肅各茶
飯管待奇爾瑪勒筵宴二次正統間使臣回還至真
定府陝西布政司甘肅各茶飯管待今例至良鄉湯飯
陝西布政司管待一次賽瑪爾堪筵宴二次永樂間

使臣回還至甘肅管待一次正統十二年使臣數少甘肅管待多則陝西布政司管待甘肅止送下程今例至良鄉湯飯陝西布政司管待一次 魯爾嘉靖五年奏准筵宴二次 哈喇筵宴二次宣德七年使臣朝貢至潼關陝西甘肅管待 土魯番筵宴二次使臣還至良鄉湯飯陝西布政司管待一次 蒲刺加國筵宴二次使臣回至廣東布政司管待一次永樂間使臣回經過府州管待正統間濟寧江西布政司廣東布政司管待

宣德間國王朝貢廣東布政司并南雄贛州臨江淮安
濟寧各府州茶飯管待至通州令行在光祿寺辦送茶
飯接待 日本國筵宴二次使臣回還至寧波府管待
一次宣德間使臣至通州湯飯令行在光祿寺辦送至
濟寧州浙江布政司并寧波府茶飯管待 錫蘭山國
筵宴二次使臣回至廣東布政司管待一次 安南國
諸延等衛以及雲南土官烏斯藏等處喇嘛番僧罕都
衛養獅豹回回爇燭地面坤城地面日落國安定王鄂

端地面長河西朶甘斯董卜韓胡金川寺雜谷安撫司
打刺兒寨達思蠻長官司松潘茂州洮岷等處番僧各
筵宴一次嘉靖二十二年題准安南都統使司差來人
員不賜宴四十三年復題准照例筵宴 和卓淳泥國
奇爾瑪勒阿克蘓地面拔達克山和爾默色國奇爾愛滿
瑪拉噶拉爾干巴哈國柯枝國布斯格爾果勒國達爾瑪納
古爾諾爾布永樂間筵宴一次 哈坦國色佛呀國天
方國嘉裕爾國哈克達國喀什噶爾宣德間筵宴一次

今例天方國加宴一次 戎地面和囉海衛察遜衛奇
木嘉色稜瑪摩回回蘓勒坦正統間筵宴一次 齊勤蒙
古衛天順間筵宴一次 蘓門答刺筵宴一次使臣回
至廣東布政司管待一次 榜葛刺國筵宴一次使臣
回經過府州茶飯管待 伊伯格勒實巴爾筵宴一次使臣
回至大同茶飯管待一次 實喇烏蘓伊斯帕罕柳陳城
永樂間筵宴一次使臣回經過府衛茶飯管待 納木扎
勒罕王永樂間筵宴一次使臣回至保定真定彰德衛輝

懷慶河南各府潼關衛陝西布政司平涼府甘肅茶飯
管待 密實勒永樂間筵宴一次使臣回至良鄉湯飯
甘肅管待一次瑪哈穆特王永樂間筵宴一次使臣進
貢經過有司茶飯管待天順四年陝西布政司茶飯管
待一次 烏梁海宣德間使臣朝貢沿途茶飯接待

哈里筵宴一次永樂間使臣朝貢經過府衛茶飯管待
至涿州良鄉令光祿寺辦送茶飯接待回還自良鄉抵
陝西布政司經過府州茶飯管待 呼爾察永樂十四

年使臣進貢經過府衛州縣管待 蘓祿國永樂十五年筵宴一次國王來朝經過府衛茶飯管待回還亦如之 真臘國景泰間筵宴一次使臣回還廣東布政司管待一次 和卓衛正統間筵宴一次使臣回還至良鄉湯飯甘肅管待一次 尚師法王永樂間尚師法王來朝經過府分茶飯管待回還亦如之 格旺結永樂間使臣進貢經過府分茶飯管待至良鄉令光祿寺辦送茶飯接待 都爾蘓宣德六年使臣回至真定府陝

西布政司甘肅茶飯管待 迤北正統間筵宴二次弘治元年使臣進貢至大同茶飯管待

筵宴番夷土官桌面

洪武二十六年每正一桌果子五色按酒五般湯三品小割正飯用羊

永樂元年上桌按酒五般果子五般燒燂五般茶食湯三品雙下大饅頭羊肉飯酒七鍾 中桌按酒果子各四般湯二品雙下饅頭牛馬羊肉飯酒五鍾

天順元年上卓高頂茶食雲子麻葉大銀錠油酥八個
棒子骨二塊鳳鶩一隻小銀銀笑靨二樛茶食果子按
酒各五般米糕二樛小饅頭三樛菜四色花頭二個湯
三品大饅頭一分羊背皮一個添換小饅頭一樛按酒
一般茶食一樛酒七鍾 中桌寶粧茶食雲子麻葉二
樛甘露餅四個鮓魚二塊大銀錠油酥八個小銀錠笑
靨二樛果子按酒各五般菜四色花頭二個湯三品馬
肉飯一塊大饅頭一分添換小饅頭一樛羊肉一樛茶

食一椀酒七鍾 下桌寶粧茶食大銀錠油酥八個煤
魚二尾果子按酒各四般菜四色湯三品馬肉飯二塊
大饅頭二分酒七鍾

弘治十年令會同館宴待番人禮部屬官一員光祿寺
正官一員巡看務要桌面豐腴酒味真正宴畢待宴大
臣宣布朝廷優待至意回還之後各守恭順管束部落
毋得生事擾邊自取滅亡十七年又因貢使僅四員赴
京以人少難請待宴官員奏准領宴

番夷人等朔望朝及見辭酒飯

上桌按酒用牛羊等肉共五牒每牒生肉一觔八兩茶
食五牒每牒一觔果五牒核桃紅棗榛子每牒一觔膠
棗柿餅每牒一觔八兩 中桌按酒用牛羊肉四牒每
牒生肉一觔茶食四牒每牒十兩果四牒核桃榛子紅
棗每牒十兩膠棗十二兩酒三鍾湯飯各一椀

成化十一年迤北使臣朝見令中桌按酒每牒加四兩
茶食每牒加二兩果品內核桃榛子紅棗各加二兩膠

東一櫟加四兩餘同常例

番夷人等領宴

嘉靖二十八年番夷領宴自各衛都指揮僉事并烏斯藏朶甘斯宣慰使司國師番僧進貢值皇太子喪題准領宴

隆慶元年朝鮮國差陪臣謝恩加渴瓦寺達思蠻長官司法藏等六寺番僧各進貢到京值世宗皇帝喪俱免宴禮部行文遼東都司并各該布政司候其回還各照

宴例管待令總兵等官待宴

禮部志稿卷三十九

欽定四庫全書

禮部志稿卷四十

明 俞汝楫 編

精膳司職掌

下程

王國下程

凡親王之國

永樂間厨料醬一百觔香油五十觔椒二十觔乾魚一

百觔醃羊一隻子鱈魚四十觔醃猪一口醃鵝一隻醃
鹿一隻醃麋二隻醃雞九隻白麪一百觔茶芽五觔茶
葉二十觔醬瓜四十條黑砂糖十觔藕煎五觔木瓜湯
煎五觔醬茄一百五十個醋蒜三百箇酒五十瓶醋二
十瓶芝麻一石糖茄一百五十箇米三石 宣德間仍
加猪二十口羊二十隻酒一百瓶 成化間令經過有
司去處送鵝二隻時新菜蔬供用

凡王來朝

洪熙元年靖江王府輔國將軍來朝欽賜羊十隻鷺十隻雞二十隻酒一百瓶米四石果子五色茶食五般柴三百觔蔬菜厨料又靖江王府奉國將軍來朝欽賜羊五隻鷺五隻雞十隻酒十五瓶米二石果子五色茶食五般柴一百五十觔蔬菜厨料宣德間趙世子安陽王來朝欽賜羊三隻鷺三隻雞六隻酒三瓶米一石五斗柴四百觔蔬菜厨料天順元年襄王來朝回還沿途飯膳厨料并祗待隨從內外官校人等經過軍衛有

司量給供用今題准不必親來朝賀

凡各王府差來人員

常例下程一次鶩二隻雞二隻酒五瓶米五斗蔬菜厨料

衍聖公張真人下程

洪武二十六年鶩二隻麪一十五觔酒四瓶茶醬鹽各一觔燭一十枝 洪熙元年衍聖公進表赴京欽賜羊一隻鶩三隻酒十瓶麪二十五觔茶鹽醬各二觔油燭

二十枝 宣德四年衍聖公張真人到京欽賜羊一隻
鵝二隻酒六瓶麪二十觔茶鹽醬各二觔油燭十枝自
後俱照此例舊屬膳部辦送今皆行順天府辦

番夷土官使臣下程

凡諸番國及四夷土官使臣人等進貢等項到會同館
俱有常例并欽賜下程禮部奏准通行光祿寺支送其
欽賜下程一次者仍支常例下程或五日十日一次者
常例下程住支若已經賞兩月之外回還者住支下程

凡送夷人下程光祿寺差屬官一員管押至會同館主
事驗給

隆慶元年題准凡四夷貢使領賞五日後遲留不行者
光祿寺住支下程本部將伴送人員叅治

常例下程

洪武二十六年五日每正一名猪肉二觔八兩乾魚一
觔四兩酒一瓶麪二觔鹽醬各二兩茶油各一兩花椒
三錢五分燭每房五枝以上下程若奉旨優待不拘此

例又每人日支肉半觔酒半瓶米一升蔬菜厨料

欽賜下程

朝鮮國安南國占城國琉球國爪哇國暹羅國各下程
一次朝鮮等國每五人琉球國每十人羊鵝雞各一隻
酒十瓶米五斗蔬菜厨料朝鮮國加果子茶食各四般
柴炭各二百觔暹羅國加酒十瓶 正統六年占城王
孫等二十三人下程牛二隻羊四隻鵝四隻雞十隻酒
四十瓶米二石蔬菜厨料 天順四年占城王族下程

與王孫同但減牛一隻 嘉靖二十二年安南都統使
司差來人員下程減舊例三分之一 萬歷四年題准
朝鮮琉球暹羅安南差來使臣下程除欽賜及常例日
支外每三人五日加給鵝一隻雞二隻酒四瓶米一斗
果子五觔隨從人等概不加給尼嚕罕都督下程一次
每一人鷄一隻雞二隻酒二瓶米二斗麪二觔果子四
色蔬菜廚料

下程限數

日本國蒲刺加國錫蘭山國諾延三衛哈密衛拉特額爾
巴拉賽瑪爾堪土魯番哈喇蘇門答刺伊伯格勒實巴爾戎
地面海蘭密實勒博囉罕衛和囉海衛瑪摩回回蘇勒
坦罕都衛鄂端地面迤北納古爾魯爾天方各五日下午
程一次每十人羊鵝雞各一隻鄂端地面減鵝雞酒二
十五瓶哈喇納古爾各減五瓶米五斗麪十二觔八兩
果子一斗蘇門答刺納古爾各果子四色燒餅二十個
糖餅二十個密實勒海蘭減一十個蘇門答刺加十個

納古爾減餅蔬菜厨料嘉靖十二年題准哈密衛貢使
三十四名每五日與羊六隻折去雞鵝賽瑪爾罕貢使
除五十五名正數外餘人每五名十日與羊一隻二十
二年題准哈密國人每五人五日與羊一隻鵝一隻雞
一隻及米麪酒等物二十七年題准哈密伴送下程照
夷使例給 雲南土官十日下程一次每十人鵝羊雞
各一隻送牛肉地方每人牛肉二觔半送糯米地方每
人糯米一斗酒二十五瓶子四色蔬菜厨料嘉靖十

九年奏准八百大甸頭目三十一人每五日一次牛肉
七十七觔八兩雞鵝各三隻酒八十瓶糯米一石一斗
五升蔬菜厨料 榜葛刺國下程一次每五人羊鵝雞
各一隻酒十瓶米五斗麪十觔果子四色蔬菜厨料

實喇烏蘓宣德間使臣八人五日下午程一次羊鵝雞各二
隻酒二十瓶米四斗麪二十五觔燒餅八十個果子十
五觔蔬菜厨料 納木扎勒罕王永樂間使臣十人三日
下程一次羊五隻鵝四隻雞十隻酒三十瓶米一石麪

一百觔果子五斗燒餅一百個糖餅六十個蔬菜厨料
頭目等十六人三日下程一次羊四隻鵝三隻雞四隻
酒二十瓶米七斗麪五十觔果子四斗燒餅八十個糖
餅三十個蔬菜厨料 和卓永樂間使臣二十五人五

日下程一次羊四隻鵝一隻雞四隻酒十五瓶麪三十
觔米一石餅一百三十五個果子四斗蔬菜厨料 養
獅豹回回永樂間使臣九人每日下程一次羊一隻鵝
一隻雞一隻酒十瓶米三斗麪五十觔餅五十個拉卓

卜地面使臣五十人五日下程一次羊七隻鵝六隻雞
十隻酒一百三十瓶米二石麪一百五十觔果子一石
餅二百五十個蔬菜廚料 伊斯帕罕永樂間使臣四
十四人每日下程一次羊八隻鵝三隻雞十隻酒三十
瓶麪八十觔米一石果子六斗餅二百個蔬菜廚料

淳泥國永樂間使臣二十一人三日下程一次羊二隻
鵝四隻雞八隻酒二十瓶米一石麪二十觔果子四色
蔬菜廚料洪熙間使臣三十六人三日下程一次羊五

隻雞二十隻鵝十隻酒十瓶米二石麵七十觔果子五
般每般十觔鹽五觔醬三觔花椒一觔香油四觔醋四
瓶茶二觔蔬菜厨料阿克蘇地面永樂間使臣一百十
二人三日下程一次羊八隻鵝四隻雞八隻酒一百四
十瓶米二石五斗麵一百五十觔果子四色燒餅一百
二十個蔬菜厨料奇爾瑪勒部永樂間使臣十一人五
日下程一次羊二隻鵝二隻雞四隻酒十瓶麵三十觔
米一石餅六十個果子二斗蔬菜厨料
薩哈勒永樂

間使臣七十七人每日下程一次羊十二隻鵝四隻雞
十四隻酒五十瓶米一石五斗果子一石麪一百二十
觔燒餅二百箇糖餅一般蔬菜厨料 和爾默色永樂
間使臣十四人三日下午程一次羊三隻鵝三隻雞四隻
酒十五瓶麪四十觔米一石餅八十箇果子四斗蔬菜
厨料 拔達克山永樂間使臣四十人每日下程一次
羊二隻鵝二隻雞五隻酒二十瓶米五斗麪二十觔果
子一斗燒餅四十箇糖餅四十箇密二觔蔬菜厨料三

日一次添送羊一隻鵝一隻雞二隻米五斗 柳陳城
五日下午程一次每十人羊鵝雞各一隻酒七瓶麵十五
觔米五斗果子五斗餅四十箇蔬菜厨料 奇爾愛滿五
日下午程一次每十人羊鵝雞各一隻酒二十二瓶麵十
五觔米五斗果子二斗餅五十箇蔬菜厨料 瑪哈穆特
王永樂間使臣十三人五日下午程一次羊六隻雞十隻
酒二十五瓶麵一百觔米一石餅一百六十箇果子七
斗蔬菜厨料頭目六人羊四隻雞四隻鵝三隻酒二十

瓶麵八十觔米一石餅一百五十箇果子六斗蔬菜廚料 甘巴里國柯枝國永樂間使臣各六人三日下午程 一次羊一隻鵝二隻雞四隻酒十瓶麵二十觔米五斗 果子四色蔬菜廚料 布斯格爾永樂間使臣十六人 每日下程一次羊二隻鵝二隻雞四隻酒十瓶果子二 斗米四斗麵二十觔餅六十箇糖餅一般蔬菜廚料

果勒國永樂間使臣十八人三日下午程一次羊二隻鵝 四隻雞八隻酒二十瓶米一石麵三十觔果子四色蔬

菜厨料 達爾瑪永樂間使臣十八人五日下午程一次
羊二隻鵝二隻雞四隻酒十瓶麪三十觔米一石果子
二斗餅六十箇蔬菜厨料 敏真城等處永樂間使臣
四十人下程一次羊三隻鵝一隻雞二隻酒四十瓶米
一石五斗麪四十觔果子二斗燒餅五十箇糖餅四十
箇蔬菜厨料 諾爾布十日下午程一次每五人羊鵝雞
各一隻酒十瓶米五斗麪十六觔果子四色蔬菜厨料
安定王十日下午程一次每十人羊一隻鵝四隻雞八

隻酒五十瓶米一石麵二十五觔果子四色蔬菜廚料
哈坦國宣德間使臣四人三日下程一次羊鵝雞各
一隻米三斗麵十觔酒五瓶果子四色餅二十箇蔬菜
廚料 多爾濟巴勒正統間使臣四人十日下程一次羊
一隻鵝雞各二隻米四斗麵十觔果子一升燒餅二十
箇蔬菜廚料 左法兒國宣德間使臣四人三日下程
一次羊鵝雞各一隻米三斗麵十五觔酒六瓶果子四
色餅三十箇蔬菜廚料 察遜衛宣德間使臣七人五

日下程一次羊鵝各一隻雞三隻米三斗酒二十瓶麪
十五觔果子四色蔬菜厨料正統間使臣二人十日下午
程一次羊一隻酒十瓶麪五觔米二斗果子四色燒餅
糖餅各八箇蔬菜厨料 天方國嘉裕爾國宣德間使
臣各二人三日下午程一次羊鵝各一隻米二斗麪十觔
酒三瓶果子四色餅二十箇蔬菜厨料 和卓衛正統
間使臣四人五日下午程一次羊鵝各一隻雞二隻酒十
瓶米二斗麪五觔果子四色蔬菜厨料 喀什噶爾宣

德間使臣十四人三日下程一次羊鵝各二隻雞二隻
酒二十一瓶米四斗二升麵二十一觔果子一斗四升
蜜一觔餅四十五箇蔬菜廚料 齊勤蒙古衛天順間
使臣四人五日下程一次鵝二隻雞四隻酒八瓶米八
斗麵八觔果子四色蔬菜廚料 真臘國十日下午程一

次每十人羊鵝雞各二隻酒二十瓶米一石五斗蔬菜
廚料 哈克達國使臣十一人三日下程一次羊一隻
鵝二隻雞四隻酒十七瓶米四斗麵十五觔果子四色

蔬菜廚料 日落國烏梁海哈里等處都指揮等官呼爾察烏斯藏等處喇嘛番僧蘓祿王尚師法王婆羅門格旺結討來思奇木嘉色稜各止支常例下程土官番僧人等無闕文者不支

廩給下程二例

凡使臣進貢沿途關支廩給口糧回還亦如之惟朝鮮占城琉球爪哇暹羅蒲刺加日本錫蘭山迤北哈密衛拉特賽瑪爾堪土魯番使臣回還沿途除廩給口糧外仍

日支下程一處朝鮮等八國并迤北每人肉半觔酒半
瓶哈密等每十人羊一隻酒二瓶半 宣德七年令實
喇烏蘓等處使臣回到甘州月送羊酒半年之外止支本
等廩給口糧 正統三年令衛拉特使臣停止去處每十
人五日一次羊二隻酒十五瓶柴薪厨料 嘉靖二十
八年奏准哈密每五人日支羊一隻酒二瓶半 凡各
國番王王親頭目人等朝貢到於福建廣東等處宣德
二年令除筵宴及本等口糧廩給外日用下程番王每

人雞二隻肉二觔酒一瓶柴薪厨料王親每人肉一觔
酒一瓶柴薪厨料使臣頭目每人肉半觔酒半瓶柴薪
厨料番伴女使人等止支口糧柴薪 凡諸番進貢及
回至該布政司成化十九年令限二十日內照例茶飯
管待起程如過期及中途無故停止一日之上者廩給
住支 凡投降番人正德元年令每名日支常例下程
牛肉半觔酒半瓶米一升蔬菜厨料 凡各國漂流及
擒獲番人嘉靖四十五年題准令到館照依投降番人

事例給日支下程

厨役

王府典膳厨役附

厨役隸光祿寺者以給膳羞隸太常寺者以供祭祀
累朝因事增加名數太濫今皆清查著有定額

光祿寺厨役

凡光祿寺厨役

洪武二十六年定凡選取各項厨役或事故新僉光祿
寺具呈本部照數類行各處選取精壯慣熟無過犯殘

疾之人起送到部轉發光祿寺著役若有厨役病故遺下家小呈送到部劄付應天府給引今劄順天府或遞回送還原籍 弘治間定光祿寺厨役起送來京者有司將當房妻小給與口糧脚力紅船告補者遇有弟男等項禮部查勘明白發寺替補告老疾無丁代替者本部先送光祿寺勘驗明白取其該署官吏人等不扶結狀繳部覆審無碍具奏類送順天府給引照回免其雜泛差役仍行有司僉補逃厨兒男告補者本部行勘明

白暫令補役正名自首仍行文替出在逃三月之外者
叅送法司問罪送回轉發著役三月之內免送問隨發
著役在逃三次者依律責罰畢仍發口外為民當房家
小隨住

計光祿寺厨役額數

宣德十年奏定五千名後增至六千八百八十四名嘉
靖八年見在食糧五千六十四名九年議准以四千名
為額十六年增一百名三十四年後減至三千六百名

隆慶元年題准三千四百名永為定額

太常寺厨役

凡太常寺厨役

弘治間定分撥太廟郊壇供祀其在逃未及三月者收復三月之外者送問及逃厨兒男告補暫替者俱與光祿寺例同其父母原籍病故者禮部行查無碍給引照回奔喪限半年十箇月仍回復役其有刑餘喪過者不許登壇其為事曾經法司的決者改送光祿寺當差其

弟男等項告替者弘治七年奏准照景泰間例俱本部查勘明白一年二次類奏替補送寺著役其老疾無丁代替者本部查勘明白亦類奏送順天府給引放回仍行原籍僉補其許告詞訟及因人連累問該笞杖罪名者納鈔仍送本寺著役徒罪以上及奸盜詐偽并有誤供祀等項不分輕重俱的決做工改撥光祿寺應役正德六年奏准徑發為民今照嘉靖元年事例降撥者止終本身餘丁仍當舊役

計太常寺厨役額數

洪武間原定四百名永樂中增二百名景泰六年增三百名成化十五年增三百名弘治五年增三百名共一千五百名分撥供祀嘉靖八年見在食糧一千二百一十名九年議准以一千名為額十六年奏復一千五百名二十九年以後減至一千一百名隆慶元年題准一千五十名萬曆十一年題增二百五十名見在一千三百名永為定額

二寺厨役通例

弘治十三年奏准二寺逃回厨役許里甲人等首官解部不許津貼盤纏其在原籍中途及到部挾詐誣騙告害人者問罪原詞立案不行逃回至三次者問發口外為民嘉靖元年題准二寺厨役行委該寺官公正查審見在新僉替役逐名年貌籍貫著役月日曾否逃回有無妻室支糧若干及每寺原額若干逃故若干已勾未到見在當差若干撥與各監若干重複頂補即與改

正有糧無人即與除豁備造清冊二本一本留寺一本
送部以憑類填格眼文簿仍選真正弟男子姪不拘丁
數實報年歲另造餘丁文冊送部遇厨役事故餘丁年
十五以上對冊相同方准替役其年六十以上老疾無
丁者送寺勘明類送順天府給引照回免本身差役仍
具奏僉代其逃回原役嚴限起解津貼盤纏不得過二
十兩新僉替役務加存恤不許厨甲人等勒捐需索逼
令逃回以後二寺三年一次通查食糧并餘丁名數十

年一次造冊各送部稽查格眼簿內見在逃故名役通行原籍知會見在及有餘丁不許重勾原籍戶丁原籍亦不許以查理為繇重復起解致擾里甲六年題准厨役有缺選各餘丁及同鄉人補役免行原籍清勾九年議准凡詭名冒頂逐年逃故厨役者通行革退仍停止同鄉頂補之例以後厨役消乏太常寺不足一千名光祿寺不足四千名許選在冊餘丁有力業者送部查驗收役不許輒行原籍勾擾仍三年一次攢造餘丁文冊

送部查考不許仍前一概濫收若果餘丁不足本部另行議處奏請又議准二寺每年各委堂上官一員督同博士四署掌印官清理厨役督察一應奸弊週歲更代之際仍會同巡視科道并本部委官查考一次如有占役詐冒情弊就行叅治其神宮監大亨門并該寺各署寫字人役亦於年終會查更換又議准各處禁密之地該內臣執役非厨子所敢擅入及各處事簡人多者俱量行裁革備造文冊查考永為定例又議准神宮監奉

先殿內臣太常寺每月輪撥厨役二百名與供薪水如遇致祭打掃仍取回供役其驚趕寒鴉等項人役每日辰入已出不許指留私作尚膳監內臣原跟用厨役六百三十六名光祿寺亦量撥與三百名分用餘俱取回該寺查照原署著役凡先前占用厨役已經清查退出者該寺及原委科道官照名查點分撥當差不許虛稱退出仍舊占用其太常寺直廳門庫等項既有兵部僉撥人數不許又用厨役止撥與卿五名少卿四名寺丞

三名典簿博士二名看守牙牌祭服不許巧立名目冒
古違者聽監收錢糧科道官糾舉十七年題准今後厨
役各司府非奉禮部明文清勾不許擅自起解擾民十
九年題准神宮監差使厨役係太常寺額內之數不許
增添三十六年題准二寺各役食糧每名除月支六斗
外妻糧減去一斗止支三斗隆慶元年題准太常寺厨
役存留一千五十名內神宮監直廬薪水三百名看庫
二十二名看壇一百二十五名又大衆每月四日拔草

四孟及歲暮先期十日各准四十名暫赴執役事畢回寺其每日驚趕寒鴉二十名即於直廬薪水三百內差用仍遵先年事例一應祭祀公務照舊供役光祿寺存留三千四百名除大庖厨留七百名大亨門一百名涼樓伴當三十名東西捨飯店五十名御酒房四十名苦酒房二十名餘者悉掣回寺當差其各衙門廳署跟隨寫字等項該寺堂官務要劑量撥用不得仍舊多占

光祿寺厨役銅牌

凡鑄完厨役雙魚銅牌禮部具印信手本開寫號數送
內府印綬監收掌凡遇光祿寺厨役合用銅牌該寺自
具手本赴該監關用

王府典膳厨役

凡王府典膳

遇有員缺禮部移咨吏部查取光祿寺厨役年深無過
者選用萬厯元年題准厨役冒籍者多止納官錢未曾
實歷今後王府典膳有缺本寺務加詳覈果係年深親

歷方與呈送吏部選用

凡王府厨役

弘治十六年奏准王府老疾厨役名缺原户丁不願替役者務要奉有本官上司明文方許於相應人户内僉補其有扶同王府人員矇矓僉補者治以枉法贓罪各該布政司仍行長史司啟王知會凡有厨役名缺除該護衛并儀衛司僉撥者仍舊僉補外其應該民間僉補者長史司勘實行布政司轉行原僉州縣照名僉補教

授等官不許聽憑下人哄誘私出批帖開寫令旨逼勒
殷實大戶圖利侵害違者許本人具告合干上司查究
治罪又定郡王厨役每位四名行令有司與護衛人戶
內中半僉撥正德四年奏准各處鎮巡等官通查各王
府民厨退回原籍當差止撥軍厨應役如無護衛儀衛
司去處照舊其撥用後不許分外科擾致令消乏累民
僉補該衙門如有占恠民厨不行退革及科擾各項厨
役者并輔導官治罪嘉靖二年題准新封郡王照例撥

給軍厨四名其有奏討民厨者不准九年題准王府新
封應僉及逃故老疾厨役除有護衛儀衛司去處照舊
僉撥軍厨外其無護衛儀衛司例該僉撥民厨者俱照
民校事例每名每年於均徭內帶徵銀一十二兩類解
布政司轉發該府長史司雇人應役三十一年題准各
王府郡王無護衛儀衛司者許從實具奏撥與民厨二
名每名徵銀十兩給散雇役近例見儀制司王國禮

牲口

牲口屬禮部歲派各省府州例有定數皆類解光祿寺有徵折價者即貯該寺庫中收買應用其會試供給折價解順天府

光祿寺牲額

凡歲派徵解

光祿寺牲口十萬隻口上半年五萬隻口下半年五萬隻口俱行浙江等布政司兩直隸各府派屬徵解成化四年奏准浙江江西湖廣福建應天廬鳳等府州俱解

折色定與價例每猪一口銀一兩七錢羊一隻銀一兩
鵝一隻銀三錢雞一隻銀七分河南山東山西陝西淮
揚二府徐州及北直隸仍解本色猪羊雞鵝惟祭猪每
口折徵價銀五口祭羊每隻徵價銀六兩即大尾綿羯
羊山西順天真定仍解本色祭羊弘治二年奏准山西
并二府祭羊亦折徵價銀四兩嘉靖七年奏准河南等
處順天等府通折徵價銀每猪一口銀一兩九錢五分
羊一隻銀七錢五分鵝一隻銀三錢雞一隻銀七分通

行光祿寺貯庫收買應用

凡徵價限數

祭豬一百六十口河南三十八口山東三十二口保定府八口大名府八口永平府十口廣平府八口順德府六口揚州府十四口淮安府十六口真定府十四口徐州六口祭羊二百五十隻河南十隻陝西三十四隻山東三十四隻山西三十八隻順天府四隻真定府十六隻保定府十二隻河間府十隻大名府十六隻永平

府八隻廣平府十二隻順德府十隻揚州府十六隻淮
安府二十隻徐州十隻肥豬一萬八千九百口河南
一千八十口山東一千一百六十口保定府三百一十
六口河間府二百七十六口大名府二百七十六口永
平府二百八十六口廣平府二百二十口順德府二百
三十口揚州府五百一十口淮安府七百一十口真定
府三百八十六口徐州二百二十口順天府二百七十
口浙江一千八百二十口江西一千五百五十口湖廣

一千二百四十口福建一千三百二十口應天府四百四十口廬州府四百口安慶府四百口鳳陽府三百一十口寧國府四百五十口徽州府六百八十口池州府二百口太平府二百六十口蘓州府一千二十口松江府七百四十口鎮江府七百二十口常州府九百口廣德州二百八十口和州一百五十口滁州八十口綿錫羊一萬七百五十隻河南五百四十二隻陝西二千四百六隻山東一千三百六十六隻山西二千六百五

十六隻保定府三百二十二隻河間府三百二隻大名
府三百二十四隻永平府三百二隻廣平府二百八十
二隻順德府二百二隻揚州府三百四隻淮安府三百
三十四隻真定府四百四十四隻徐州府一百四十二
隻順天府一百二十二隻應天府二百隻廬州府一百
八十隻安慶府一百七十隻鳳陽府一百五十隻鵝
三萬二千四十隻河南二千二百八十隻山東一千七
百隻保定府四百九十隻河間府三百五十隻大名府

五百隻永平府四百二十隻廣平府四百六十隻順德府五百七十隻揚州府一千四百四十隻淮安府一千五百六十隻真定府七百四十隻徐州府六百六十隻順天府六百五十隻浙江四千八百二十隻江西四千七百四十隻湖廣一千二百隻福建一千二百隻應天府二千隻寧國府九百二十隻徽州府一千一百隻池州府六百二十隻太平府六百八十隻蘇州府八百二十隻鎮江府五百九十隻常州府六百九十隻松江府

八百四十隻 雞三萬七千九百隻河南五千三百二十隻山東二千九百隻保定府三千一百四十隻河間府二千隻大名府二千五百八十隻永平府二千六百隻廣平府二千一百八十隻順德府二千一百三十隻揚州府三千三百隻淮安府四千一百九十隻真定府三千二百隻徐州府七百六十隻順天府二千六百隻浙江六千隻江西六千隻湖廣四百隻福建三百四十隻應天府六十隻徽州府四十隻蘓州府四十隻 純

色牛犢四十隻順天府五隻真定府八隻保定府六隻
大名府六隻廣平府四隻順德府四隻河間府四隻永
平府三隻 先年光祿寺奏准奉先殿等祭祀缺少純
色牛犢禮部行泝順天等府三年二次解納共四十隻
嘉靖七年奏准每牛犢一隻折徵銀五兩解寺貯庫
收買供用

凡加泝徵解

嘉靖三十二年題准每年加泝牲口銀二萬四千九百

七十八兩一分二釐九毫分派各省并直隸府州至四
十一年戶部奏該寺錢糧見已充裕將加派銀兩改納
太倉以濟邊儲

順天府牲額

凡會試天下舉人入院出院管待茶飯并內外廉官
舉人巡綽官軍人等飯饌合用牲口俱坐派直隸各
府

猪四十三口永平府五口真定府十口保定府九口大

名府九口廣平府五口順德府五口 羊五十三隻永
平府五隻真定府十一隻保定府十一隻大名府十隻
廣平府九隻順德府七隻 鵝八十一隻永平府十隻
真定府十九隻保定府十三隻大名府十九隻廣平府
十隻順德府十隻 雞一千五十隻永平府一百二十
隻真定府二百四十六隻保定府二百四十六隻大名
府二百四十六隻廣平府九十六隻順德府九十六隻
乾魚二千五百觔俱河間府出辦 弘治七年題准

永平等府供用不敷行浙江等處九布政司并應天府
共徵銀九百兩責行本處司府朝覲官吏齎解到部送
儀制司轉發順天府收貯待用 隆慶元年題准會試
諸費實該銀一千八百六十一兩五錢四分除額徵牲
口等價并各省解到前銀止共一千一百九十九兩其
餘於順天府貯庫鋪行銀內動支六百六十二兩五錢
四分補足前數後為定例

藏米

凡藏冰洪武二十六年定每歲冰結之時禮部堂上官預先奏聞膳司官赴內官監關支鑰匙錦衣衛差撥力士或工部差撥脚夫各備器具赴正陽門外打掃冰窖就令戶部關撥新解稻草并蘆席襯墊完備伺候冰凍揀擇潔淨去處取水節次挑赴冰窖內如法收藏封鎖將鑰匙送赴內官監仍移付祠部照例祭祀著軍人看守以備應用

凡內府冰窖收藏冰雪係內官監官自行提調合用襯

墊蘆蓆稻草禮部照例移咨戶部依數支撥就差人送
內府冰窖處所交收

器皿

凡宴享合用一切器皿洪武二十六年定光祿寺開呈
禮部移咨工部照數造完轉發光祿寺收用

舊宴享器皿各歲器皿厰造一萬件發光祿寺收用今
祭享等器皿兩京工部歲造共一萬二千件用尚不敷
奏准工部歲給光祿寺銀二千兩相兼造用

行移本司有勘合科

凡行移

洪武二十六年定凡有一應行移在外事務儀制等四司各開事件移付通具印信手本赴禮科關填勘合照會各布政司并劄付直隸府州照依坐去勘合內事件轉行所屬作急理辦如有違悞不完仍行催督每於年終各該有司分豁已未完結事件連原填去勘合張數造冊差人親齎奏謝仍用備細開報本部以憑查銷其

填寫勘合禮部照依地方編寫字號內外底簿二扇并
勘合字號紙編寫畢押印完備外號底簿發去各布政
司并直隸府州收掌內號底簿并勘合號紙禮部收貯
候儀制等四司凡有一應行移在外事務移付本司發
勘合科填寫號紙照會各布政司并劄付直隸府州付
通政司掛號送兵部車駕司轉發司府州比對硃墨字
號相同施行如號紙盡絕照字號接編如前各該司府
州候年終將發去勘合并底簿折粘具本奏繳仍具清

冊一本送禮部查考

勘合字號

浙江以字江西淮字陝西誠字廣東及字廣西即字河南正字湖廣各字雲南若字貴州柔字山東格字山西致字四川其字福建皆字安慶府能字松江府賢字蘇州府功字淮安府平字鳳陽府修字廬州府勤字保定府雨字應天府雲字揚州府齊字河間府露字徽州府貴字寧國府原字真定府騰字順德府麗字常州府故

字池州府亨字大名府結字永平府金字廣平府霜字
鎮江府親字太平府賓字保安州岡字滁州官字徐州
治字隆慶州崑字今延慶廣德州列字和州利字萬厯
二年議准凡宗藩勘合許各王府差來員役執批告領
本司驗批給發即於封袋上填註發行月日及姓名限
期仍置立文簿登記其山東河南山西陝西湖廣每季
終江西廣西四川每上下半年將發過公文號數領齎
日期人役姓名通行各布政司知會各布政司亦照所

議奉到勘合將緊要節畧攢造文冊報部其年終奏繳
仍舊

司務廳職掌

聖諭

勅曰合衙門司務二員坐廳東南上面西將守籍吏
二名終日在堂專管紀載本衙門出入文書隨即附
簿驗其應速者速應遲者遲明白勾銷書註或字有
差錯不許塗抹於傍圈註逐日紀載事件至晚計定
行數字數庶便稽考若事有可速者而遲之耽悞公
事矣若可遲者速之事多不當矣惟允異斷庶無後

艱司務之設職專職重其所練磨也卷出非常若勤於督責精於銷註使合衙門官吏皆不入刑憲之所其司務之才能也稱堂上之任矣又何考試之疊疊故勅洪武二十六年十二月日

諭六部都察院諸大臣曰頃者朕以各部案牘填委往往淹積不行吏緣為奸事愈浩繁於是各設司務職專紀其出入督其稽滯而察其奸弊不旬日間事多完集今在外布政司按察司并各府亦宜設照磨

檢較如司務之職

萬曆三十四年署部左侍郎李某堂規示司廳三

款

一投文每日投文堂上標到送廳該廳即刻分發各司
查行其批迴該發者立刻發領毋得遲留以杜需索之
弊

一舉貢到部歲貢并會試舉人大堂投文司務廳點名
訖即赴儀制司查銷批引俱於本日急速打發以省伺

候示體恤

一開印酒席先年每開印司務廳設席待四司而司務廳原無錢糧乃取辦於承發二吏吏何從辦弊可知也今革訖并承發每年例送內府紙銀九次俱三堂不受祇銀代出欲責其守法理當如此

禮部志稿卷四十